



Bosnia and Herzegovina  
Federation of Bosnia and Herzegovina

**CANTON SARAJEVO**  
**Ministry of Health**

Broj: 10-33-38989-47/21

Sarajevo, 12.11.2021. godina

**SKUPŠTINA KANTONA SARAJEVO**  
**-Skupštinska služba-**

**PREDMET :** Odgovor na zastupničko pitanje – dostavlja se

Zastupnik **Vibor Handžić** na 43. Radnoj sjednici Skupštine Kantona Sarajevo, održanoj dana 22.10.2021.godine, u okviru tačke Dnevnog reda „Poslanička/zastupnička pitanja, inicijative i odgovori“, a u skladu sa članovima 211. i 214. Poslovnika Skupštine Kantona Sarajevo postavio je zastupničko pitanje kao slijedi:

“ Iz kojeg razloga je Ambulanta za fizikalnu terapiju i rehabilitaciju, koja se nalazila u prostorijama u Vrazovoj, izmještena u neuslovan prostor na Kovačima, koji teritorijalno ni ne pripada prostoru Općine Centar, posebno uzimajući u obzir da se ambulanta za istu namjenu za prostor Općine Stari grad nalazi daleko, u prostorijama MZ Logavina?”

U vezi sa postavljenim zastupničkim pitanjem dostavljamo slijedeći:

**ODGOVOR**

Ministarstvo zdravstva Kantona Sarajevo je osnovom postavljenog zastupničkog pitanja zatražilo odgovor od JU Dom zdravlja Kantona Sarajevo te Vam isti u prilogu dostavljamo ( akt broj 01-03-11869/21 od 8.11.2021.godine).

**MINISTAR**

**Prof. dr Haris Vranić**

Dostaviti:

- naslovu
- a/a
- CC Služba Vlade KS



web: <http://mz.ks.gov.ba>  
e-mail: [mz@mz.ks.gov.ba](mailto:mz@mz.ks.gov.ba)  
Tel: + 387 (0) 33 562-104,  
Fax: + 387 (0) 33 562-243  
Sarajevo, Reisa Džemaludina Čauševića 1





# JAVNA USTANOVA DOM ZDRAVLJA KANTONA SARAJEVO

Kanton Sarajevo, Federacija BiH, Bosna i Hercegovina  
Public Institution Health Center of Sarajevo Canton  
Sarajevo Canton, Federation of BiH, Bosnia and Herzegovina

Broj: 01-04-11809/21  
Sarajevo, 08.11.2021.

MINISTARSTVO ZDRAVSTVA  
KANTON SARAJEVO  
Ul. Reisa Džemaludina Čauševića 1.  
71 000 Sarajevo

7581  
Bosna i Hercegovina  
Federacija Bosne i Hercegovine  
KANTON SARAJEVO

PRIMLJENO:	09-11-2021
Organizacioni broj	10
Klasifikacioni broj	04
Broj	38989
Priloga	74

Predmet: Odgovor na zastupničko pitanje, dostavlja se

Poštovani,

Dana, 27.10.2021. i 01.11.2021. godine na protokol JU Dom zdravlja KS zaprimljeni su Vaši akti broj:01-04-38989-3/21 i broj:01-04-38989-47/21 kojima se traže odgovori na pitanja zastupnika Harisa Zahiragića i zastupnika Vibora Handžića. Zastupnici Haris Zahiragić i Vbor Handžić su u nastavku 43. Radne sjednice Skupštine Kantona Sarajevo, održanoj dana 22.10.2021. godine, u okviru tačke Dnevnog reda "Poslanička/zastupnička pitanja, inicijative i odgovori" uputili sljedeća pitanja:

- 1. Zastupnik Haris Zahiragić: "Iz kojeg razloga ste nalogom 30.09.2021. godine po drugi put u toku pandemije COVID-19 premjestili Centar za fizikalnu medicinu i rehabilitaciju OJ Centar? Zašto je za novu, privremenu lokaciju, odabrana ambulanta Kovači iz OJ Stari Grad koja se nalazi u drugoj opštini, koja nema elementarne uslove, prije svega parking, ali ni dostupnost javnog prijevoza s obzirom da veliki broj korisnika Centra spada u kategoriju invalida i radnih vojnih invalida? Da li nakon protesta i žalbi, a koje su na ovaj nalog i odluku uputili kako uposlenici, tako i pacijenti Centra, imate namjeru pronaći novu, adekvatniju lokaciju – što od vas očekujem kao zastupnik, ali i kao sugrađanin onih skupina čije je liječenje ugroženo ovakvom odlukom?"*
- 2. Zastupnik Vbor Handžić: "Iz kojeg razloga je Ambulanta za fizikalnu terapiju i rehabilitaciju, koja se nalazila u prostorijama u Vrazovoj, izmještena u neuslovan prostor na Kovačima, koji je teritorijalno ni ne pripada prostoru Općine Centar, posebno uzimajući u obzir da se ambulanta za istu namjenu za prostor Općine Stari Grad nalazi nedaleko, u prostorijama MZ Logavina?"*

U skladu sa navedenim pitanjima zastupnika Harisa Zahiragića i zastupnika Vibora Handžića, s tim u vezi, obavještavamo Vas da je dana 09.09.2021. godine upućen e-mail uposlenika OJ Centra i OJ Stari Grad, te koordinatora Covid ambulante Centar u kojem navode da trenutni prostor koji koriste za usluge Covid ambulante Centar nije adekvatan i uslovan za broj pacijenata koji imaju. Nephodno je da brojčano povećaju timove, ali to ne mogu, jer nemaju dovoljno prostora. Timovi koji trenutno rade, uz veliku želju koju imaju da pomognu, teško pružaju usluge pacijentima zbog malog prostora i sve češćih



težih kliničkih slika kod pacijenata. Napominjemo, direktor OJ DZ Centar je u zadnjoj godini dana kontinuirano radio na pronalaženju adekvatnog prostora za izmještanje Centra za fizikalnu medicinu i rehabilitaciju OJ DZ Centar u vrijeme pandemije virusa COVID -19, nakon čega je šefu Centra za fizikalnu medicinu i rehabilitaciju ponuđeno više prostora kao mogućih opcija za privremeno izmještanje Centra za fizikalnu medicinu i rehabilitaciju. U jednom prostoru Covid ambulante u OJ DZ Centar nalazi se i čekaonica za pacijente, prijemno mjesto, i samo jedna ljekarska ordinacija, te laboratorija za uzimanje uzoraka odvojena fizički samo paravanom. Zbog povećanog broja priliva pacijenata neophodno je obezbjediti također ordinaciju za pregled predškolske djece, kao i dodatnu ordinaciju za još jednog ljekara pri Covid ambulanti. U trenutnoj situaciji Covid pacijenti prolaze kroz zonu zračenja do intervencije, što je sa aspekta zdravstvene zaštite pacijenata nedopustivo i u suprotnosti je sa Zakonom o zdravstvenoj zaštiti. Predloženo rješenje je iz razloga što su navedena dva prostora fizički povezana. Nadalje, radi neočekivanog rapidnog skoka oboljelih kojima je neophodno pružiti zdravstvenu uslugu i nemogućnosti iznalaženja adekvatnijeg prostora za Covid ambulantu u datom momentu jedino rješenje je izmještanje CBR-a radi ustupanja prostora za Covid ambulantu OJ DZ Centar. Navedena Covid ambulanta u OJ DZ Centar je jedina Covid ambulanta za pacijente sa Općine Centar i Općine Stari Grad.

Rješenje po pitanju prostora u koje se CBR izmješta u ovom momentu je jedino ambulanta Kovači u sklopu OJ DZ Stari Grad. Rješenje o izmještanju Centra za fizikalnu medicinu i rehabilitaciju je privremeno rješenje, a kojem se pristupilo na osnovu dopisa Vlade KS od dana 24.09.2021. godine, o reduciranju hladnog programa na svim nivoima zdravstvene zaštite, odnosno svih ambulantskih pregleda i konsultacija, te reduciranja specijalističkih pregleda. Treba napomenuti da je u uslovima pandemije sa COVID-19 pružanje adekvatnih usluga vezanih za istu asolutni prioritet svih ustanova.

Želimo istaknuti da se nekoliko puta pokušalo naći rješenje sa šefom službe Centra za fizikalnu medicinu i rehabilitaciju, koja je pregovorima pristala ustupiti prostorije službe ukoliko dođe do reduciranja hladnog programa, što se na koncu i desilo. Kada se ponudilo rješenje za privremeno izmještanje Centra za fizikalnu medicinu i rehabilitaciju u prostorije ambulante Kovači, šef službe je bio usmeno saglasan sa istom. Od direktora OJ DZ Centar dobili smo izjavu u kojoj je napisano da nije dobila niti usmenu niti pismenu primjedbu uposlenika, bilo kojeg građanina Općine Centar, već samo jedan dopis upućen od strane Udruženja RVI na koji su dali adekvatan odgovor.

Ono što je najvažnije u ovom momentu jeste da se ide u realizaciju pronalaženja adekvatnog prostora za fizikalnu medicinu i rehabilitaciju.

Pored ambulante Kovači, osobama sa invaliditetom nastanjenim u Općini Centar, moguće je organizovati i prijem u ambulanti Kovačići u OJ DZ Novo Sarajevo.

S poštovanjem,

DOSTAVITI:

- Naslovu
- SPKOP
- a/a

